

قونت تله کی ، ماجارستانک پک چوق شاعر ، محرر و عالم یتشدیرمش
قدیم برخاندان اصلتک کزیده اولادندر .

ماجارستان جغرافیا جمعیتک کاتب عمومیسسی اولان قونت تله کی ، ماجارلرک
جغرافیون و مقتصدلرندن بر محرر معروفدر .

« تورک یوردی » ، عرقداشمز قونت جنابلرینه و رفیقہ محترمه سنه راسمہ
خوش آمدی بی ایفا ایده رک ، استانبولمزدن ممنوناً عودت ایتمه لرینی تمنی ایله ر .

« صدای تورکستان » ر « صدای فرغانه » . — تورکستانده بوییل ایکی تورک غزته سی
نشر اولونایه باشلادی . بولردن بری تاشکندده « صدای تورکستان » نامی آلتنده
هفته ده ایکی دفعه ، دیکری ده خوقند شهرنده « صدای فرغانه » آذنده هفته ده اوچ
دفعه نشر اولونمق اوزره تأسیس ایدیلشلردر . « صدای تورکستان » ، مقصد و مسلکینی
ایضاح ایدهرکن جهالت سببیه ملتده باش کوسترن آثار انقراض و تدفینی مفصلاً
بیله ریبور و دیپورکه : « بز تورکستانلیر ، حال حاضرده نه زمانه ونه شریعت اسلامیه
کوره حرکت ایدیورز ، نه ده تاریخدن عبرت آلیورز . شو جهالت و غفلتمزی کوروب
بر مدت ده صبر و تحمل ایتکی ، مقدس وطنمز و مهربان آنامز اولان تورکستانه قارشی
بر خیانت عد ایتدیکمزدن ، اشو غزته یی تأسیس ایتدک . . »

« صدای فرغانه » دخی ، مسلکینک اعتدال اوزره ملتہ خدمت ایتک اولدیفنی بیاندن
صوکر : « دردیمز بر درمانمزده بردر . او حالده همت ای قارده شلر ! یازالم ، اوقویه لم .
چونکه دزدلریمزک دوای شافیسسی ، یالکز اوقومق و یازمقدر . » دیپور .

هرایکی رفیقهمزی صمیمانه تبریک ایدهرک تورکلکه چوق قائده لی اولمیرینی تمنی ایدهرز .

صیانت . — « معمولات داخلیه استهلاکی قادیلر جمعیت خبریه سنک مروج افکاری »
اولمق اوزره شهرنیزده هفته ده بر دفعه نشر اولونور قادیلره مخصوص آغیر باشلی بر
مجموعه در . شمعی یه قدر یدی نسخهمسی نشر اولونمشدر .

قادین غزته لری آراسنده جدیدیله تمایز ایدن بو مجموعه یی تبریک و قارلریمزده توصیه
ایدهرز .

تورکارله رومنلرک طوب یاریشی . — نيسانک ، نجی و ۶ نجی کونلری
رومیاندن کان « آياق طوبی » طاقيله « تورک آياق طوبی طاقلرینک یاریشلری اولدی .
رومانیا طاقی انگلیز ، آمریقانلر و آلمانلردن مرکبیدی . تورک طاقلرینی صرف تورکار
ترکیب ایدیوردی . هرایکی « چارپشمه » اتحاد قلوبنک یاریش میداننده اولدی . ایلک
« چارپشمه » ده تورک طاقنک « آقین بونی » . نوری ، نهاد ، حسین ، حسون
وثریا بکار ، « ایلری » بی جلال و سداد بکار ، « کیری » بی نوری و غالب بکار طوتمشدی ،

« قلمه » بی ندیم بک محافظه اید یوردی . بو قوتلی طاقک بر قصوری واردی : بکله
برابرجه چوق تعلیم کورمدکلرندن ، بر برلرینه بک آلتشین دکلدیلر . برنجی یاریشده
آقینجیلریمزک شدتلی هجوملری ، ظفر سونچیلر هیمزی برقاچ دفعه هیجانه کتیردیه ده
برلکده حرکت ایدمه مک یوزندن « صانی » قزانه مدیلر . رومانیا دن کلن « قاریشیق
طاقم چوق وایی اوغراشدی ویا لکن بردفمه « صانی » قزانه بیلدی . بونکله برابر ،
مسافرلریمز بزی یکمیش دیمکدی .

طوب بیتدکدن سوکره « تورک ایزجیلری » محاربه هجوملری یایدیلر . یارالامیش صایلان
آرقداشلرینی سدیله لرله اردوگاهلرینه طاشیدیلر . کوچوک وسوملی ایزجیلریمزک او بونلری
فخر ایله ، حرارتله آلفیشلاندی .

بو « ایزجیلر » بر قاچ کون اول ایزمیتده سیاحت ایدوب کلش وسلاملقده اولوخاقلانک
التفاتنه مظهر اولشلردی . ایزمیتده ایکن ، بوقهرمان یاورلری کورن عسکر وشید
آنالری ، آغلايه آغلايه چوق آلفیشلامشلردی . ایلك یاریش کوفی ، اوچ یوزدن فضلہ
ایزجیلرک کچید رسميله نهایتلندی .

ایکنجی یاریش نیسانک ۶ سنده اولدی . بوسفر رومن قاریشیق طاقنه قارشى بک
اوغلی سلطانیسی طاقی چیقمشدی . سلطانیه لیلر محارستانه کیدرکن رومانیا به اوغرایه رق
سچمه بر رومن طاقنه ۹ صانی ایله غلبه چالوب اوک آلتشلردی . ایسته بوشانلی تورک طاقی
بک هیجانلی کچن ۶ نیسان یاریشده ، غنملی هجوملریله ماہر رقیلرینی کیتدکجه زیاده
صیقیشدیره رق ، نهایت ۴ صایله اوناری یکدی .

غلطه سرایلرک چویکلکنی ، مهارتی بکرشده ایکن کورن وموقیت حکایه لرینی
چوق دیکله یین رومن طاقی ، معنویاتی بوزوق اوله رق چاریشمیش وچاریشمه دن خیل
یورغون اوله رق چیقمشدر . غلطه سرایلرک « ایلری » لری جلال ، حسین وغالب بکله
« کیری » بی طوتان عدنان ، احمد و « آقینجی » مظفر ومحسن بکله ، چوق امک صرف
ایشدیلر وتورکله شرف قزاندردیلر .

یاریش سوکنده « ایزجیلر » ، « طویچی » آرقداشلرینی اوموزلری اوستنده طاشیدیلر .
موزیکه ملی تورک هوالری چالیوردی . غالب غلطه سرایلر رقیلرینک لاریخی صمیمیتله
صیققدن سوکره یانلرینه آلارق وملی شریقلر سوبله به رک ظفر میداندن اوزاقلاشدیلر .
و مکتبلرینه کوتوروب اونلره آرقداشجه بر ضیافت چکدیلر .

« آلتون اوردو » قلوبنک محار قارده شلریمز طویچی طاقلرینی بوسنه یاریشه دعوت
دیکنی خبر آلارق ممنون اولدق . آلتون اردویه موقیت دیلیورۇ .

طین مطبعه سی

مدیری : آق جوره اوغلی یوسف